

نومرو ۱۶

[ایکنجی سنه



خزینہ اوراق

IHSAN SUNGU

مؤسسی

محمود جلال الدین KITAPLARI

تاریخ طبعی

۱۸ جمادی الاول سنه ۱۳۰۳

تاریخ تاسیسی

۱ مایس سنه ۱۲۹۷

بو رسالهء ادبیہ جمعہ ایرتسی کونلری حیقار

متواضعانه قلمه آلمش و بوايسه مقدملری شرقده و اخيراً
غربده ارباب كمالك طوتديغی اصول تحرير اقتضاسندن
بولنمش اولوب بزده ابتدا مقدمه يي درج ايدر و مقاله يي
حرزجان ايله كله جاك نسخه يه تاخير ايلرز.

محمود جلال الدين



خزينة اوراق هيئت تحرير يه سنه (*)

مقدمه

انسان نظر حقيقت و چشم عبرتله باقسه آلايش كونا كونه
الدانديغی شودنی دنيانك نه ليلنده و نه ده نهاردن بر تشنه بقا
نه بهارنده و نه ده خزاننده بر بوی وفا كوره بيلور .
نصل كوره بلسونكه بو كون بقاسنه كوونديكمز
بر كونلك حيات و زندگانی يارين ماضی حكمنی المقده
و بر ساعت اول فوق الحد بر شطارتله ورودينه منتظر
اولديغمز بر زمان كمال سرعتله كچهرك ورود زوالی يالكز
خاطر لر مزده قالمقده در .
هرهانكي طرفه اماله نظر دقت ايلسهك انقلابات زمان

(*) بنده كزدن عبارت .

هر برلرینی برر شکل و صورتده فنایه یوز طو تدیروب
 محو و تباه ایتدیکی بیکلرجه موجوداتک اشراط زوالنی
 بزه کوستریور. هر هانکی اشیادن برینه نظر حکمتله
 باقسهق هر شخصک استعداد بشریسی نسبتنده کوره جکی
 وقابلیت و درایتی دائرہ سنده فرق و تمیزینه مقتدر اوله
 بیله جکی یوزلرجه حقیقت لر ارمسندہ برده فناک صورت
 تفسیری مقامنده اولان «لابقاء فی الدنیا» کلام حکمت
 انسجامیله «کل ات قریب» جمله حقیقت ارتسامی بارقه
 شمشک کی کوزلرمزه چارپیورکه ارتق انسان ایچون
 حالدن نشئه بقا استقبالدن امید وفا تصوری ممکن اوله.
 یلورمی.

ایشته بوبداهتله بو حقیقتله قارشو نوع انسان برده
 مدت زندکانیسندہ کی سرعت زوالی تخیل ایتدکجه حیاتی
 یقینده ماضی عدایده جک اولان اولاد وطنه آثاریله
 بربرگذار اهداسندن کندوسنی اله میور.

چونکه بنم اعتقاد مجبه اثرسز بر عمر بوز اوزرینه
 منقوش تصویر کی صاحبک فنا سیله برابر فنا بولوب اثر
 بر اقیانلرک نام و نشانی صحیفه عالمدن پک چابک سیلنه رک
 غائب اولیور.

بالتخصیص آثار ادیبانه سیله بنی نوعنه یادکار ابراز ایدنلر
لسان وقومیتلری باقی اولدقجه اخلاقنک ذکر جمیلنه مظهر
اوله رق ناملری رحمتله یاد اولندیغندن الی الابد بقا بولیور.
شوفکر ثاقب لوحه ضمیرمده من کل الوجوه تقرر
ایتمکله انظار اخلافه یادکار اولمغه صالح آثار ابرازندن
وجوه عقلک تولید ایدرک مهید قریحه ده بیوتدیککی ودایه
فکرک اغوش تربیه سننده تربیت یافته اولدیغی طفل نوزاد
طبعمک دکر سزلکیله برابر (*) میدان انتشاره وصنعندن
بردرلو کندمی اله میورم .

ینه تکرار ایدم جرح ستمکار ادوار کچروانه سننده کی
اعوجاجه عجباً بر نمونه اولمق ایچونمیدرکه (انسانک اراده
جزئیّه سننده بعضاً حکمی نافذ اولمیور) وبوکونکی حالی
یارینکنه و بر ساعتک عمری آتیسنه قیاس قبول ایتمیور .
برکون اول نشری تصورنده بولندیغم بر اثرک
ابرازینه فلک حیولت و بر ساعت اول قلمی ناجیزانه سوق
ایتمک ایستدیکم بر اثرک میدان وجوده قونما سننه ینه فلک
بیکلرجه مانعهلر احداث ایدیور .

عقل وفکره کلیه جک درجه ده متنوع اولان فلکک

بورنکسزلیکی ذهن و تصویره صغمییه جق اعجوبه و فلاکتار
تولیدینه مستحق اولیور .

عجیا فلک ... دامن اعتسافنه طولدردینی سنک بلایا
و غمومی سینة مظلومینه چارپنی اعتیاد ایتمش و خواصه
مخصوص اولیان بر لسان ایجره «قنبور فلک» نامنی الممش
اولان خونفشانمیدرکه بلنی بوکمش چشم غدارینی دیکمش
دست ظلمکارینی قالدرمش هر راست کلدیکی قلبی مأیوسی
پاره پاره ایتمه قالقیشیور .

ایشته فلکک بواطرادسزلی ایچنده تحریرینه اوزندیکم
بواثرمک دکر سزلیکیله برابر طرف فاضلانه لرینه (*) تقدیمه
مجاشرت ایلدم .

شاهراه ترقیده هنوز ایلرولمکی ارزو ایدن بنم کی
بر (**) عاجزه نك اثرنده کور یله جک خطا عفو و صفح
ادبایه مظهر اوله جغنده امید وارم .

(ب عقیفه خانم)

(*) جدی ادیبه نك .

(**) استغفرالله .